



É tempo
de
Samoaín

O SAMAÍN

Samaín, palabra gaélica, non significa máis que o fin do verán, principio do inverno. Na antiga cultura céltica o tempo de Samaín, especialmente a noite do 31 de outubro ao 1 de novembro, era o período máis importante do ano. Eran datas claves para se reunir nos camposantos, comer o ritual e comunal porco de samaín e concelebrar as farradas festeiras dos guerreiros. Era a noite máis perigosa do ano. As portas do outro mundo abríanse nesas horas, e as ánimas, eran quen de vir visitar este mundo e aos seus moradores, tantas veces, para render contas inacabadas.

Para afastar dos seus castros as perigosas ánimas defuntas e errantes, adoitaban poñer no alto das muradas, ou encastradas nas paredes, as caveiras iluminadas dos inimigos mortos en campaña. De aquí, dos ritos e crenzas célticas ao redor da caveira, vén a tradición europea de facer caveiras na cortiza dos melóns, ou cabazos, ou calabazotes. Tradición que, grazas ás investigacións do profesor galego López Loureiro, sabemos que se estende por toda a antiga xeografía céltica europea e concretamente para o caso de España, por todas as zonas con presenza do elemento céltico ben documentado. En Galiza atopámola en toda a súa xeografía, non faltando esta tradición en ningunha das súas bisbarras e aportando un folclore similar aínda que dándolles nomes diferentes: **calacús** polas Rías Baixas, **caveiras** de melón en Cedeira, **calabazotes** en Ortigueira, **colondros** en Ourense...etc.

1. Con axuda do dicionario atopa o significado das seguintes palabras:

Caveira: _____

Farrada: _____

Camposanto: _____

Afastar: _____

Encastrado: _____

2. COMPRENDO O TEXTO

a) ¿Que significado ten a palabra SAMAÍN?

b) ¿Por que era a noite máis perigosa do ano?

c) ¿Que adornos se poñían para afastar as ánimas dos defuntos?

d) ¿Con que nomes se coñece a caveira en Galicia?

3. Órdea alfabeticamente as seguintes palabras


Follas- vento- noces- caveira- mortos- lenda – defuntos – inferno-
cabaza.

4. Separa as sílabas das seguintes palabras, e logo clasifícaaas segundo
o número de sílabas.

Outono	Celtas	Castelo
Século	Tradición	Esqueleto
Caveira	Lanterna	Espantallo
Recoller	Bruxa	Mortos



bisílabas



trisílabas



polisílabas

5. Un camión transporta 568 cabazas, cando chega ó almacén atopa que 169 cabazas están estragadas. Moi indignado chama por teléfono ó Castelo de onde as trouxo.

Resolve:

¿Que diálogo manterían o transportista e o dono do Castelo?. A que acordo poderían chegar.

¿Cantas caveiras lle quedan no castelo?


¿Cantas cabazas en bo estado poderá vender o transportista ó almacén?

Se o do almacén quere mercar todas as cabazas en bo estado a 2 euros cada unha. ¿Canto lle terá que pagar?

E...despois de todo isto como cres que remataría o transportista:_____

6. Completa o seguinte sudoku.

Enche cada casa baleira, cada liña e cada columna con cabazas, de maneira que non se repita ningunha nunha mesma fila, liña ou columna. Ademais en cada recadro rodeado por unha grosa liña negra só debe aparecer unha vez cada cabaza.





7. Forma pareados:



Atopa as 10 diferenzas e colorea.

